

բերան ի բերան ձերայնոցդ⁷ առ մեզ դիպելոցդ ի մեր քաղաքն Կեսարիա Պալատուրն եւ ի յայլ տեղիսն այլոց բազմաց . եւ թղթով եւ ծանուցար վասն նորաձեւ բանիցն եւ նոր ազանդոյն⁸ : Այլ դարձեալ կրկնեցից վասն երկց պատճառաց . նախ զիտեմ զի դուք զբարս ազաւնոյ ունիք . եւ էք միամիտք եւ ճշմարտութեան եւ բարեաց էք սիրող . կամիմ զի զպարզ բարին եւ ճշմարիտն հաստատեսցի ի ձերում միջի եւ ոչ սուտն եւ անօգուտ բաղադրեալն : Երկրորդ զի բազումք ի ձէնջ կատարեալ են . իէպէտ՝ Ընդ անդգամին , ասէ Իմաստունն , մի յաճախել զիօսս⁹ , այլ Ձիմաստութիւն խօսիմ համարձակ ընդ ձեզ կատարելոցդ¹⁰ ըստ Առաքելոյն : Եւ երրորդ զի ես առաւել պարտաւան եմ խօսել ընդ ձեզ քան զայլսն . ըստ Առաքելոյն Թէպէտ այլոց չիցեմ առաքեալ¹¹ , այլ դէպ ձեզ եմ . զի զվարդապետական իշխանութիւն եւ զայլ հոգեւոր պատիւս կամօք մերովք եւ ի մէնջ ըստացեալ էք . զի թէ լուեցից իբրեւ զՀեղի՝ վրիպակացն եւ ես դիպեցայց :

Իմացիք , սիրելիք , որ ազդ առնեմ ձեզ զի այդ նորաձեւ աղանդն եւ մանաւանդ դաւանութիւնդ , որ յամենայն օր ասէք յառաւօտն եւ յերեկոյն , այդ Նեստորի եւ երկարնակ Քաղկեդոնի դաւանութիւն է : Նախ այն որ ասէ .

⁷ Ձ . ձերայնոցդ :

⁸ Կախնարկուի հաւանօրէն առ Մովսէս կաթողիկոս մեղադրական թուղթը :

⁹ Սիրաք , Իբ . , 14 :

¹⁰ Ա . Կորն . Բ . 6 :

¹¹ Ա . Կորն . Թ . 2 :